



Inatsisartunut ilaasortaq
Aqqaluaq B Egede
Inuit Ataqtigiit

Pituffik pillugu § 37 tunngavigalugu apeqqummut nr. 51-imut akissut

Apeqqutinuq qujavunga, tulluuttuni ataasiakkaarlugit akissutit matumuuna ingerlateqqinneqarput, inatsisartuni ilaasortaasumut Sara Olsvig-imut akissutikka nr. 23/2015 aamma 198/2014 aamma innersuutigissagakkit. Aallarniutigalugu aamma erseqqissaatigissavara suliassaq avataanersunit misissorneqarnera maannakkorpiaq ingerlammat taamaattumillu suliassamut tamanut tunngasut pillugit Naalakkersuisut maannakkut oqaaseqarsinnaanatik.

13-03-2015
Suliap normua. 2015-111783
All. normua. 1889491

Postboks 1340
3900 Nuuk
Oqarasuaat (+299) 34 50 00
(+299) 32 93 98
E-mail: nap@nanoq.gl
www.naalakkersuisut.gl

1. Thule Air Base pillugu kiffartuussinissamik isumaqatigiissutip annaanerata kingorna Naalakkersuisut siunertarinerpaat nunatsinni inuit akileraartinneqarnerulissasut, tamannalu anguniarlugu nuna tamakkerlugu akileraarutip qaffanneratigut aningaasat Thule Air Base aqquutigalugu annaasat matussuserneqassasut?

Akissut:

Aallarniutigalugu akissaanga, 2015-imut aningaasanut inatsisissatut siunnersuut Naalakkersuisut saqqummiommassuk, tassanilu manna tikillugu kiffartuussinissamik isumaqatigiissutip ingerlateqqinnginnerani aningaasatigut annaasat pineqarlutik. Taamaattoq ilisimatitsissutigisinnaavara USA-p aamma Danmarkip/Kalaallit Nunaata akornanni oqaloqatigiinnerit maannakkut ingerlanneqarmata taavalu soorlu siusinnerusukkut tamanut nalunaarutigineqartut isumaqatigiissutip danskit/kalaallit suliffeqarfiannut tunniunneqarnissaanik taavalu aningaasatigut akuerineqarnissaq qulakkearniarnerinik Naalakkersuisut suliqarlutik. Tamanna danskit statsministeriannut, nunanut allanut ministerimut aammalu Amerikamiut Københavnimi aallartitaannut siusinnerusukkut nalunaarutigineqareerpoq. Piumasaqaat taanna USA-mi nunanut allanut ministereqarfimmi aamma illersornissamut ministereqarfimmi ulloq 23. februar 2015-imi ataatsimiittarninni saqqummiuppara.

2. Nuna tamakkerlugu akileraarut qaffanniarneqanngippat aningaasat annaasat qanoq Naalakkersuisunit matussusernissaat siunniunneqarpa?

Akissut:

Apeqqut 1-mut akissummut innersuussisoqarpoq.

3. Thule Air Base pillugu kiffartuussinissamik isumaqatigiissutip annaaneqarneranut suna pissutaava?

Akissut:

Pineqartoq tassaavoq danskit/kalaallit suliffeqarfiinut Amerikamiut suliariumannittussarsioriaasiat aammalu Amerikamiut suliariumannittussarsiornermi maleruagassaat malinneqarlutik. USA-p ilisimatitsissutigaa suliffeqarfik Greenland Contractors-imit allaanerusoq toqqarneqartoq. Neqeroorutit teknikitigut akuerineqarsinnaasut akornanni akit aalajangiisuupput.

4. Kiffartuussinissamik isumaqatigiissutip pineqartup annaaneqarnera atorfilittat kukkuneratigut imaluunniit suliassap qarsupinneqarneratigut nunatta kukkussutaanik pissuteqartumik kiffartuussinissamik isumaqatigiissut annaaneqarpa?

Akissut:

Neqeroortut akikinneraat teknikimik piumasaaqatinik naammassinnissorisartik USA-p toqqarpa. Ilisimatitsissutigineqarpoq suliffeqarfiit sisamat isumaqatigiissummut neqerooruteqartuusut: Exelis Services tassaasoq ingerlatseqatigiiffik Amerikamiut suliffeqarfiannit pigineqartoq, danskit suliffeqarfiit marluk (ilisimatitsissutigineqartut malillugit Amerikamiunik suleqateqartut) taavalu Greenland Contractors. Soorlu apeqqummut 5-imut akissummi tulliuttuni allassimasoq avataaneersunik misissuititsineq Naalakkersuisut allartippaat.

5. Kukkuneq imaluunniit suliassamut akisussaaffik naalakkersuisoqarfimmi sorlermi pisimanersoq Naalakkersuisut nassuiarsinnaavaat?

Akissut:

Avataaneersunit misissuititsineq Naalakkersuisut aallartippaat taannalu danskit eqqartuussissuserisunit ingerlanneqarpoq tassanngalu angusat utaqqineqarput.

6. Kiffartuussinissamik isumaqatigiissut annaaneqartoq pillugu naalakkersuisoqarfimmi imaluunniit naalakkersuisoqarfimmi eqqumaffiginerusariaqarsimasat suunersut Naalakkersuisunit nassuiarneqarsinnaappat?

Akissut:

Apeqqut 5-mut akissummut innersuussisoqarpoq.

7. Kiffartuussinissamut isumaqatigiissut annaaneqartoq pillugu sooq sioqqutsisumik iliuusissat, oqallinnerit ilisimatitseqatigiinnerillu pisimangillat?

Akissut:

Apeqquut 4-mut akissummut innersuussisoqarpoq.

8. Kiffartuussinissamik isumaqatigiissut pillugu suliap ajutoorneranut pissutaasut nassuiarneqarnissaat kissaatigaara.

Akissut:

Apeqquut 5-mut akissummut innersuussisoqarpoq.

9. Folketing-imut ilaasortap nunatsinneersup oqaatigaa danskit naalakkersuisui aamma nunatta naalakkersuisui suleqatigiissuteqareersimassasut. Tamanna ilumoorpa?

Akissut:

Apeqquut 5-mut akissummut innersuussisoqarpoq.

10. Sermitsiaq.ag allaaserisaqarpoq nunatta Dk-mi sinniisoqarfiata aammalu nunatsinni naalakkersuisoqarfiit kiffartuussinissamut isumaqatigiissutip allannguutissai akuerisimagaat, tamannalu nunatsinni qallunaat nunaannilu sioqqutsisumik ilisimaneqareersimasoq. Imaappa, Naalakkersuisut ilisimasimangikkaat politikerit akuereqqaagassaat atorfilittat namminneq akuerisimagaat?

Akissut:

Apeqquut 5-mut akissummut innersuussisoqarpoq.

11. Naalakkersuisut uppersarsinnaavaat allannguutit atorfilittanit akuerineqarnatik Naalakkersuisunit akuerineqartussaasimagaluartut?

Akissut:

Apeqquut 5-mut akissummut innersuussisoqarpoq.

Inussiarnersumik inuulluaqqusillunga

Med venlig hilsen


Vittus Qujaukitsoq